

406a.

VAN ORANJE AAN WARRENBORCH, dat hij naar zija beste weten moet handelen in het belang des Koninga.

Très cher et bien aimé, Nous avons reçu vostre lettre, à laquelle ne scaurois autre chose respondre sinon que pourrez regarder de vous régler comme myeux: trouvez convenir pour le service de Sa Majesté, qui sera l'endroit, par où priera le Créateur etc.

De Anvers le Vñme jour de Mars 1567 devant Pasques.

Vostre bien hon amy

GUILLAUME DE NASSAU.

*A nostre très cher et bien aimé
Capitaine sur le chasteau d'Utrecht,
le seigneur Godefroy de Warrenbourg
à Utrecht.*

Ab boven V, f. 196.

407.

1567 (1566) — Maart 13.

VAN MARGARETHA AAN BRIBEU. — Antwoord op No. 402. Wanneer de bewoners van IJsselstein en omstreken zich wapenen te hunner verdediging, kan hun dat niet worden verboden. Zij keurt de overeenkomst met Harderwijk goed en wenscht, dat die ter verspreiding gedrukt worde.

Mon cousin, J'ay reçu vostre lettre du dixiesme de ce mois, pour à laquelle respondre, sera bien que endroit ceulx d'Amsterdamme faictes suyvant ce que par miennes du VIIme vous ay escript.

Quant à ceulx d'Ysselstein et par là-entour, qui s'arment, il convient sçavoir si c'est pour leur garde et tuition, se voyans environnez de gens de guerre et tout le pays en trouble, ce que bonnement ne se leur pourroit défendre, mesmes de se garder par ses propres gens; mais de lever et retenir gens de soude n'est permis à personne sans licence du Roy ou mienne, laquelle le prince d'Oranges mesmes a demandé et eu de moy pour la garde de sa ville de Breda.

Touchant la maison mentionné en vostre lettre susdicte, vous regarderez d'en user comme adviserez convenir pour le service de Sadicte Majesté.

Je regarderay de faire faire les offices requis devers l'archevesque de Couloingne et l'évesque de Munster endroit Willem van Hartzfelt.

J'ay en outre veu et entendu les articles de capitulation faicte avecq ceulx de la ville de Harderwyck et se trouve la chose bien passable et acceptable ainsy, comme de par Sa Majesté je l'accepte et agrée par ceste, ce que pourrez communiquer à ceulx dudict Harderwyck, et où ilz demandissent enseignement de moy pour ceste acceptation et agréation, ilz pourront envoyer icy le solliciter, que leur sera despesché, mais faudroit qu'en ce cas l'on eust icy copie autenticque dudict accord, d'autant que